

**Vinnslustöðin hf.**  
**Fiskimjölsverksmiðja**



**Skýrsla um grænt bókhald  
fyrir árið 2019**

## Efnisyfirlit

<b>1. YFIRLÝSING STJÓRNAR.....</b>	<b>2</b>
<b>2. ÁRITUN ENDURSKOÐANDA .....</b>	<b>2</b>
<b>3. ALMENNAR UPPLÝSINGAR.....</b>	<b>3</b>
3.1 FISKIMJÖLSVERKSMIÐJA.....	3
3.2 VINNSSLUSTÖÐIN HF.....	3
<b>4. FISKIMJÖLSVERKSMIÐJA.....</b>	<b>5</b>
4.1 ÞÆTTIR Í STARFSLEYFI OG GRÆNT BÓKHALD .....	5
4.2 SAGA .....	5
4.2.1 <i>Afgangsorka nýtt til upphitunar á húsnæði</i> .....	5
4.3 STAÐSETNING .....	6
4.4 STÆRD .....	6
4.4.1 <i>Starfsmenn</i> .....	6
4.4.2 <i>Afkastageta</i> .....	6
4.5 GRÆNT BÓKHALD .....	6
4.5.1 <i>Umhverfisþættir í grænu bókhaldi</i> .....	6
4.6 UMHVERFISSTEFNA VINNSSLUSTÖÐVARINNAR HF. ....	7
4.7 FRAMLEIDSLUFEIRRILL .....	7
<b>5. LYKILTÖLUR.....</b>	<b>9</b>
5.1 HRÁEFNI.....	9
5.2 HJÁLPAREFNI.....	9
5.3 AUÐLINDIR .....	9
<b>6. UMHVERFISPÆTTIR .....</b>	<b>11</b>
6.1 MENGANDI EFNI TIL HREINSUNAR .....	11
6.2 MENGANDI EFNI Í FRAMLEIÐSLUVÖRUM .....	11
6.3 LOFTMENGUN .....	11
6.3.1 <i>Brennsla olíu</i> .....	11
6.3.2 <i>Lykt</i> .....	12
6.4 FRÁRENNSLI .....	12
6.4.1 <i>Mælingar á frárennslu – vöktun</i> .....	12
6.5 MÆÐFERÐ SORPS OG ÚRGANGS .....	13
6.6 HÁVAÐI .....	13

## Listi yfir myndir

Mynd 1. Einfalt flæðirit af vinnslu fiskimjöls og lýsis. ....	8
---	---

## Listi yfir töflur

Tafla 1. Þættir í starfsleyfi fiskimjölsverksmiðju Vinnslustöðvarinnar hf. sem snerta grænt bókhald.....	5
Tafla 2 - Móttaka hráefnis til vinnslu árin 2018 og 2019 .....	9
Tafla 3. Notkun hjálparefna í hráefni og mjöl árið 2019.....	9
Tafla 4. Notkun rafmagns, olíu og vatns árin 2018 og 2019. ....	10
Tafla 5. Notkun sýru og basa til hreinsunar árið 2019. ....	11
Tafla 6. Skipting olíutegunda í brennslu. ....	11




## 1. Yfirlýsing stjórnar

Með undirskrift sinni staðfestir stjórn Vinnslustöðvarinnar hf. að allar þær upplýsingar sem gefnar eru í þessari skýrslu eru unnar upp úr gögnum fyrirtækisins. Jafnframt er staðfest að engin frávik á sviði umhverfismála í rekstri fiskimjölsverksmiðju fyrirtækisins eru talin hafa orðið á því tímabili sem skýrslan nær yfir.

Stjórn Vinnslustöðvarinnar hf.:

  
Guðmundur Órn Gunnarsson

  
Einar Þór Sverrisson

  
Rut Haraldsdóttir

## 2. Áritun endurskoðanda

Samkvæmt 10. gr. reglugerðar um grænt bókhald nr. 851/2002 hafa allar tölulegar upplýsingar í skýrslu þessari verið endurskoðaðar af endurskoðanda Vinnslustöðvarinnar hf, Benóní Torfa Eggertssyni, Deloitte hf. Er undirskrift hans hér fyrir neðan staðfesting á endurskoðun.

  
Benóní Torfi Eggerthsson



### 3. Almennar upplýsingar

#### 3.1 Fiskimjölsverksmiðja

Vinnslustöðin hf.  
Fiskimjölsverksmiðja  
Strandvegur 82  
900 Vestmannaeyjar

Verksmiðjustjóri er Unnar Hólm Ólafsson.

Útgefandi starfsleyfis er Umhverfisstofnun og annast stofnunin jafnframt eftirlit með starfsleyfi.

Gildistími starfsleyfis er til 17. september. 2030.

Númer fyrirtækjaflokks, samkvæmt reglugerð 851/2002 um grænt bókhald, er 6,9.

Starfsleyfi fiskimjölsverksmiðju Vinnslustöðvarinnar hf. er fyrir:

Framleiðslu á fiskimjöli og lýsi úr allt að 1.200 tonnum af hráefni (fiski og fiskúrgangi) á sólarhring auk loðnu- og síldarflokkunar og loðnuhognatöku.

Skýrsla þessi nær yfir tímabilið 1. janúar – 31. desember 2019.

#### 3.2 Vinnslustöðin hf.

Vinnslustöðin hf.  
Hafnargata 2-4  
900 Vestmannaeyjar

Framkvæmdastjóri Vinnslustöðvarinnar hf. er Sigurgeir Brynjar Kristgeirsson.

Stjórn Vinnslustöðvarinnar hf. skipa:

- Guðmundur Ö Gunnarsson, formaður stjórnar
- Einar Þór Sverrisson, varaformaður stjórnar
- Rut Haraldsdóttir, meðstjórnandi
- Sigurjón Rúnar Rafnsson, meðstjórnandi
- Guðmunda Á. Bjarnadóttir, meðstjórnandi



Vinnslustöðin hf. í Vestmannaeyjum er meðal stærstu sjávarútvegsfyrirtækja landsins, með fjölbreyttan rekstur í útgerð og fiskvinnslu og tengdum greinum. Fyrirtækið er með um 300 stöðugildi fastráðins starfsfólks og fjölda fólks í tímabundnum verkefnum eða störfum.

Vinnslustöðin gerir út sex skip til uppsjávar-, tog- og netaveiða öllu jafna og eitt skip til viðbótar hefur verið nýtt á vertíðum.

Vinnslustöðin starfrækir saltfiskverkun, humarvinnslu, botnfiskvinnslu og uppsjávarvinnslu. Þá rekur fyrirtækið fiskimjölsverksmiðju.

Vinnslustöðin á og rekur Hafnareyri ehf., þar sem sameinaðir voru undir einum hatti nokkrir rekstrarþættir sem áður voru í eigin félögum eða tilheyrðu Vinnslustöðinni beint. Hafnareyri þjónar starfsemi félagsins til sjós og lands sem og öðrum viðskiptavinum. Um er að ræða löndunarþjónustu, frystigeymslu, saltfiskgeymslu og verkstæði iðnaðarmanna. Þá rekur Hafnareyri ísframleiðslustöð.

Vinnslustöðin annast sjálf markaðs- og sölumál vegna afurða sinna í gegnum félagið VSV Seafood Iceland ehf. sem er alfarið í eigu Vinnslustöðvarinna. Vinnslustöðin er með söluskrifstofur í Portúgal, Frakklandi, Þýskalandi, Rússlandi og Hollandi. Félögin starfa á traustum grunni þekkingar og reynslu fólks sem starfað hefur í íslenskum sjávarútvegi og tengdum markaðsmálum áratugum saman.

Heimasíða Vinnslustöðvarinna hf. er [www.vsv.is](http://www.vsv.is).

## 4. Fiskimjölsverksmiðja

### 4.1 Þættir í starfsleyfi og grænt bókhald

Tafla 1. Þættir í starfsleyfi fiskimjölsverksmiðju Vinnslustöðvarinnar hf. sem snerta grænt bókhald.

Framleiðslu- eða umhverfisþáttur	Umhverfismörk/önnur ákvæði í starfsleyfi (Hámarksstyrkur eða magn efna/bátta)
Hráefni	Magn reikulla köfnunarefnissambanda/basa í hráefni (TVN-gildi) skal ekki fara yfir 100 mg N/100 g nema í undantekningartilfellum.
Frárennsli á sólarhring	Fita: 100 mg/l COD: 1,5 kg/t hráefnis Svifefni: 300 g/t hráefnis
Loftmengun	Umhverfismörk í reglugerð um loftgæði nr. 787/1999 gilda.
Hljóðvist	Hljóðstig í nærliggjandi íbúðabyggð samkvæmt mörkum í reglugerð nr. 933/1999.

### 4.2 Saga

Fiskimjölsverksmiðja Vinnslustöðvarinnar hf. varð til við sameiningu Fiskimjölsverksmiðjunnar í Vestmannaeyjum (F.I.V.E) og Vinnslustöðvarinnar hf. árið 1992. Verksmiðjan hefur gengið í gegnum umfangsmiklar endurbætur eins og reyndar flestar íslenskar fiskimjölsverksmiðjur. Árið 1993 voru gömlu eldbúrrkararnir teknir úr notkun og tveir nýir gufubúrrkarar settir upp ásamt því sem fengin voru ný soðkjarnatæki og ketill. Jafnframt var verksmiðjuhúsnæði endurnýjað. Árið 2002 bættist þriðji gufubúrrkarinn við og einnig var fjárfest í rafskautakatli. Á sama tíma gerði Vinnslustöðin hf. samning við Vestmannaeyjabæ um að á loðnuvertíð (vetrarvertíð) tæki verksmiðjan þátt í hitun húsnæðis í Vestmannaeyjum. Rafskautaketillinn gerir verksmiðjunni kleyft að minnka verulega notkun olíu í rekstrinum og þar af leiðandi minnkar losun CO<sub>2</sub> og SO<sub>2</sub> út í andrúmsloftið, með auknu rafmagni til eyja árið 2017 hefur enn frekar dregið úr notkun olíu.

#### 4.2.1 Afgangsorka nýtt til upphitunar á húsnæði

Árið 1995 var tekið í notkun varmaskiptakerfi sem nýtti afgangsvarma frá fiskimjölsframleiðslunni til upphitunar á húsnæði Vinnslustöðvarinnar hf.

Árið 2003 var settur upp búnaður sem vinnur varmaorku frá vinnsluferlinu. Þessi varmi hefði að óbreyttu endað ónýttur með kælivatni út í sjó.

Þegar vinnsla er í gangi getur verksmiðjan hitað upp bakrásarvatn fyrir HS Orku í Vestmannaeyjum og skilað því á framrásarhitastigi inn í veituna. Aflið er allt að 5 MW en það takmarkast oftast við þá þörf sem hitaveitan hefur á hverjum tíma.

### **4.3 Staðsetning**

Fiskimjölsverksmiðja Vinnslustöðvarinnar hf. er staðsett á horni Strandvegar og Hafnargötu í Vestmannaeyjum. Í næsta nágrenni eru fiskvinnslustöðvar Vinnslustöðvarinnar hf. og Ísfélags Vestmannaeyja hf., og önnur atvinnustarfsemi. Vegalengdir eru litlar í Vestmannaeyjum og því er ekki langt í íbúðabyggð.

### **4.4 Stærð**

#### **4.4.1 Starfsmenn**

Að jafnaði starfa um 14 manns í verksmiðjunni og ganga þeir tvískiptar vaktir þegar vinnsla er í gangi. Margir starfsmenn hafa starfað í verksmiðjunni í fjölda ára. Yfirverkstjóri er Kristján Ingi Sigurðsson.

#### **4.4.2 Afkastageta**

Eftir að þriðji gufupurrkarinn var tekinn í notkun árið 2002 getur verksmiðjan framleitt mjöl og lýsi úr 1.000 tonnum af hráefni á sólarhring. Í hráefnisgeymslum er pláss fyrir um 10.000 tonn af hráefni.

### **4.5 Grænt bókhald**

Starfsmenn skrifstofu Vinnslustöðvarinnar hf. sjá um að færa gögn um magnトル hráefnis, eldsneytis, hjálparefna, hreinsiefna, smurefna og rekstrarvara inn í rekstrarbókhald fyrirtækisins. Verksmiðjustjóri, Unnar Hólm Ólafsson, tekur þessar upplýsingar saman og er umsjónarmaður græns bókhalds. Framkvæmdastjóri Vinnslustöðvarinnar hf., Sigurgeir Brynjar Kristgeirsson, ásamt verksmiðjustjóra bera ábyrgð á grænu bókhaldi fiskimjölsverksmiðju.

#### **4.5.1 Umhverfisþættir í grænu bókhaldi**


Þeir umhverfisþættir í rekstri verksmiðjunnar sem helst geta haft áhrif á umhverfið og tilgreindir eru í starfsleyfi verksmiðjunnar eru lykt (ferskleiki hráefnis hefur mest áhrif á þennan þátt), loftmengun (lofttegundirnar CO<sub>2</sub> og SO<sub>2</sub> sem verða til við brennslu olíu til gufuframleiðslu), frárennsli (magn fitu, lífrænna efna (COD) og svifefna) og úrgangur (sorp og annar úrgangur sem til fellur í verksmiðjunni). Hverjum þessara þátta verður gerð skil hér á eftir.

#### **4.6 Umhverfisstefna Vinnslustöðvarinnar hf. (VSV)**

- Verndun umhverfis og lífríkis er hagsmunamál allra. VSV hefur það sem markmið að starfa í sem bestri sátt við umhverfi sitt. Stuðla að sjálfbærri nýtingu fiskistofna og bættri umgengni um auðlindina.
- Stefna VSV er að hámarka nýtingu á hráefnum og orku.
- Markvisst er stefnt að því að auka notkun umhverfisvænnar orku og stuðla að umhvergivsvænum rekstri á öllum stigum.
- VSV mun leggja áherslu á að fylgja eftir umhverfisstefnunni og sjá til þess að starfsmenn fyrirtækisins séu meðvitaðir um hana og fá tækifæri til að taka þátt í móturn hennar og þróun.
- Markvisst skal unnið í umbótum á stefnu fyrirtækisins í umhverfismálum og starfsháttum.
- Lögð verði sérstök áhersla á að nota vistvænar og fjölnota umbúðir og hreinsiefni þar sem því verður viðkomið.
- Markvisst skal unnið í að bæta umgengni og fegra umhverfi.
- Verndun umhverfis skal ávallt höfð í fyrirrúmi við hönnun og mat á framkvæmdum.
- Stefnt er að lágmarka allan úrgang með flokkun á honum og endurnýtingu.
- Fyrirtækið mun meta árangur umhverfisstefnunar og miðla upplýsingum til starfsmanna og viðeigandi aðila.

#### **4.7 Framleiðsluferill**

Verksmiðjan vinnur fiskimjöl og lýsi á hefðbundinn hátt. Aðal hráefni verksmiðjunnar er loðna, síld, makrill og kolmunni en einnig eru aukaafurðir úr fiskvinnslustöðvum (bein) teknar til vinnslu. Verksmiðjan getur framleitt þrjá gæðaflokka mjöls og þrjá gæðaflokka lýsis. Mynd 1 sýnir mjög einfaldaðan framleiðsluferil fiskimjöls og lýsis í fiskimjölsverksmiðju Vinnslustöðvarinnar hf.



Mynd 1. Einfalt flæðirit af vinnslu fiskimjöls og lýsis.

## 5. Lykiltölur

### 5.1 Hráefni

Fiskimjölsverksmiðja Vinnslustöðvarinnar hf. tók á móti 27.301 tonnum af hráefni árið 2019. Tafla sýnir móttekið hráefni árin 2018 og 2019 og jafnframt skiptingu hráefnisins í mismunandi tegundir. Það sem skilgreint er sem aukaafurðir eru þær afurðir sem falla til við vinnslu í sjálfstæðum fiskvinnslustöðvum í Vestmannaeyjum og það sem berst frá Vinnslustöðinni hf. Er hér aðallega um að ræða bein og slög.

Við móttöku bræðsluhráefnis inn í verksmiðjuna er TVN gildi þess mælt. Í starfsleyfi fiskimjölsverksmiðjunnar segir að magn reikulla köfnunarefnissambanda (TVN) megi ekki fara yfir 100 mg N/100 g nema í undantekningartilfellum og verður að láta Umhverfisstofnun vita ef það gerist.

Tafla 2 - Móttaka hráefnis til vinnslu árin 2018 og 2019

	2018	Einingar	2019	Einingar
Loðna	16.122	Tonn	0	Tonn
Síld	6.544	Tonn	7.442	Tonn
Kolmunni	20.508	Tonn	14.562	Tonn
Makrill	3.650	Tonn	5.240	Tonn
Annað	22	Tonn	57	Tonn
<b>Alls</b>	<b>43.571</b>	<b>Tonn</b>	<b>27.301</b>	<b>Tonn</b>

### 5.2 Hjálparefni

Við vinnslu fiskimjöls og lýsis verður að nota ýmis hjálparefni. Er hér aðallega um að ræða rotvarnar- og þráavarnarefni og má sjá notkun þeirra í töflu 3. Verksmiðjan notar ediksýru sem rotvarnarefni, sem gerir hráefnið auðveldara til geymslu og vinnslu.

Til að verja mjölfitu gegn þránun og jafnframt hindra hitamynndun í mjöli var notuð náttúruleg þrávrörn, Toco-Pet IPR. Til að verja þráun í lýsi var notað BHT, Toco-Pet og Vita-Pet 24-8-8.

Tafla 3. Notkun hjálparefna í hráefni og mjöl árið 2019.

	2019	Einingar
Ediksýra ( Softacid Aqua)	48.300	Lítrar
Þráavarnarefni í lýsi.	750	Kg
Þráavarnarefni í mjöl	2.680	Lítrar

### 5.3 Auðlindir

Við vinnslu fiskimjöls og lýsis er notast við rafmagn, olíu og vatn. Tafla 4 sýnir notkun rafmagns, olíu og vatns árin 2018 og 2019. Gasolía er notuð til að knýja vélar sem og við framleiðslu á rafmagni (varaafilstöðvar).



**Tafla 4. Notkun rafmagns, olíu og vatns árin 2018 og 2019.**

	2018	x/tonn hráefni	2019	x/tonn hráefni		
Rafmagn	2.347.656	kWh	50,11	2.001.320	kWh	73,3
Rafskautaketill	11.204.802	kWh	239,2	7.458.168	kWh	273,2
Svartolía/DMA/ Skipagasolía	886.042	Kg	18,9	555.871	Kg	20,3
Gasolía	11.707	Lítrar	0,25	5.792	Lítrar	0,21
Vatn	32.097	m³	0,69	20.905	m³	0,86

## 6. Umhverfisþættir

### 6.1 Mengandi efni til hreinsunar

Þynntar lausnir sýru og basa eru notaðar í sjálfvirkum hreinsikerfum soðkjarnatækja. Jafnframt eru sýrur notaðar til hreinsunar annarra tækja og lagna í verksmiðjunni.

Tafla 5. Notkun sýru og basa til hreinsunar árið 2019.

	2019	Einingar
Saltpéturssýra	3.150	Kg
Saltsýra	1.680	Kg
Basalausn(Brite CIP-30)	3.150	Kg
Vítissódi (NaOH)	3.450	Kg

### 6.2 Mengandi efni í framleiðsluvörum

Engin mengandi efni er að finna í framleiðsluvörum verksmiðjunnar. Hins vegar verður að hafa í huga að sá fiskur sem notaður er til vinnslu fiskimjöls og lýsis getur innihaldið óæskileg efni á borð við díoxín, kvikasilfur, blý og kadmíum auk arseniks. Helst hefur verið horft á hráefni sem veitt er fjarri Íslandsströndum í þessu sambandi, þ.e. kolmunna og norsk-íslenska síld.

### 6.3 Loftmengun

Í starfsleyfi fiskimjölsverksmiðjunnar kemur fram að meta eigi magn loftmengunar frá verksmiðjunni og áhrif mengunarinnar á nágrenni hennar einhvern tímann á starfsleyfistímanum. Er hér átt við bæði lyktarmengun og loftmengun sem verður til við brennslu olíu.

#### 6.3.1 Brennsla olíu

Til gufuframleiðslu í verksmiðjunni er annarsvegar notaður rafskautaketill sem notar endurnýjanlega orku (rafmagn) og hins vegar svartolía, DMA – olía og skipagas. Á árinu 2019 var svartolúnni skipt út fyrir hreinni olíu. Skipting á milli olíutegunda má sjá í töflu 6.

Tafla 6. Skipting olíutegunda í brennslu.

	2018	2019	Eining
Svartolía	889.517	9.860	Kg
DMA-olía	0	377.744	Lítrar
Skipagasolía	0	178.374	Lítrar

### 6.3.2 Lykt

Óhjákvæmilegt er að við vinnslu fiskimjöls og lýsis verði til óæskileg lykt í næsta nágrenni við verksmiðjuna, lykt sem á árum áður var kölluð peningalykt. Aldur hráefnis hefur mikið að segja í þessu sambandi og því reynir verksmiðjan að vinna hráefnið sem ferskast. Þar sem vegalengdir í Vestmannaeyjum eru stuttar verður ekki hjá því komist að einhverrar lyktar verði vart í bænum. Mest verður vart við lykt þegar ákveðnar ríkjandi vindáttir eru.

Eins og krafist er af heilbrigðisfirvöldum notar fiskimjölsverksmiðja Vinnslustöðvarinnar hf. lofthreinsibúnað. Loftræst er frá öllum tækjum sem mestri lykt valda í vinnslunni. Eru þetta t.d. sjóðrarar, sniglar, pressur, mjölkælir og þurrkarar. Gufa frá soðkjarnatækjunum er leidd í gegnum varmaskipti sem notar þéttivarma hennar til þess að hita vatn sem svo er leitt inn á kerfi Hitaveitu Suðurnesja í Vestmannaeyjum til húshitunar í bænum. Loft frá framleiðsluferlum er leitt inn í þvotta- og þéttiturna til lykteyðingar og þaðan í gufuketil til brennslu (við 800°C í 1/3 úr sekúndu). Frá katlinum fer útblástursloftið upp um skorstein sem er 20 m hárr.

## 6.4 Frárennsli

Vöki frá löndun, hráefnisgeymslum og vinnslu er leitt í sérstaka hreinsistöð sem staðsett er innan verksmiðjunnar. Var hreinsistöðin tekin í notkun að fullu árið 2004). Ný og endurbætt hreinsistöð var tekin í notkun á fyrsta fjórðungi ársins 2016. Þar er fita og fast efni tekið frá og endurnýtt í verksmiðjunni. Allt sem afgangs verður er leitt í holræsakerfið og dælt út í sjó eins og annað frárennsli frá Vestmannaeyjabæ.

### 6.4.1 Mælingar á frárennsli – vöktun

Samkvæmt starfsleyfi skal mæla magn ýmissa efna í frárennsli frá verksmiðjunni. Mælingarnar eru ætlaðar til þess að athuga virkni hreinsibúnaðar fyrir frárennslisvatn og þar af leiðandi áhrif verksmiðjunnar á umhverfi sitt (lífríki hafssins). Eftirfarandi mælingar skulu gerðar á frárennsli:

- Magn fitu.
- Magn COD (magn uppleystra lífrænna efna).
- Magn svifefna.
- Sýrustig.

Árið 2019 voru gerðar mælingar á síldarvertíð á haustmánuðum.

## **6.5 Meðferð sorps og úrgangs**

Allt sorp sem fellur til í verksmiðjunni, hvort sem það er lífrænt eða annað, er sett í þar til gerða gáma sem staðsettir eru við hana. Þetta getur verið timbur, málmhlutir og lífrænn úrgangur sem verður til við hreinsun tækja. Fyrirtækið er með samning við Kubb ehf. um móttöku þess sorps og úrgangs sem til fellur. Þar sem Gámaþjónustan hefur ekki tækjabúnað eða aðstöðu til þess að viga magn sorps og úrgangs frá verksmiðjunni er ekki unnt að sundurliða hve mikið fellur til á ári hverju.

## **6.6 Hávaði**

Hávaðamælingar voru gerðar í september 2015. Hávaði mælist undir viðmiðunarmörkum reglugerðar 724/2004 um hávaða.